

Mazarin

2731

Le passe-temps de ville-ivif...

UNIVERSITY OF N.C. AT CHAPEL HILL



00023007443

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**
Mazarin
2731

LE
PASSE-TEMPS
DE
VILLE-IVIF
EN VERS BURLESQUES.



A PARIS,
Chez CLAVDE HVOT, rue S. Jacques,
proche les Jacobins, au pied de Biche.

M. DC. XLIX.
AVEC PERMISSION.

PARIS

CLASSÉ TEMP

D. R.

ALLERIE

DE VERTS D'ARTISAN



A PARIS

CH. OLIVIER, 10, rue de la Harpe

—

M. DE KILIX

—



LE PASSE-TEMPS DE VILLE-IVIF.

EN VERS BURLESQUES.

P Visqu'on dit que chacun respire
 A cheuiller des vers à rire
 Et veut imiter le Scaron
 Au style gaillard & & bouffon
 Pourquoi n'en faire pas de mesme
 Bien que n'ay son visage blesme
 A force de trop rimailier
 Et de mon gosier trop mouïller
 En l'eau de la claire fontaine
 Des Poëtes nommée hypocraïne
 Hypocraïne qui pour certain
 Est meilleure que le bon vin :
 Toutes fois bien que n'ay la veine
 D'en mettre treize à la douzaine
 Il me faut neantmoins tenter
 Si ie pourray m'en acquitter.
 Ça donc puisque chacun s'en melle
 Mettons la main viste à la poisle
 Ça dépeschons nous promptement
 Je veux commencer vistement
 Malgré ces esprits difficiles
 Qui meriteroient bien l'estrille
 Qui ne regardent de bon cœur
 Ce qui fait rire le lecteur.
 Lecteurs lecteur ou lectoresque
 Qui lisez ce petit Burlesque
 Sçachez que l'ay fait seulement
 Pour me donner contentement
 Ne me meslant de ces affaires
 Où n'entendent rien les notaires.

944.03

M475m

No. 2731

872344

Lors que la terre a recouuert
 Ce qu'elle auoit perdu de vert
 Lors que les gayer hyrondelles
 Commencent à venir chanterelles
 Et quittent les pays neigeux
 Pour reuenir en ces chauds lieux
 A Paris l'on a de coustume
 S'aller pourmener sur la brune
 Après que de Phœbus les rays
 Ne sont plus chauds, deuiennent frays
 En carrosse ou bien en litiere
 Le long de la belle riuere
 Qui coule auprès de ce beau cours
 Où l'on traite de ses amours
 Ce cours qu'on nomme de la reine
 Où librement on se pourmaine
 Pendant que l'on est en repos
 Que l'on est gaillard & dispos
 A present ie croy que la Reyne
 Qui est maistresse souueraine
 De ce lieu plain de volupté
 Semble en auoir osté la clé
 Vous y voyez deux portes vertes
 Tantost fermées, tantost ouuertes:
 En dispose enfin de façon
 N'entre que qui luy semble bon
 Toutesfois bien que ie regarde
 Je n'y scaurois bien prendre garde
 Et decouurir ie ne scaurois
 Bien que ie regarde de près
 Et que i'aye de ces lunettes
 Qui seruent souuent aux vedettes
 Attendez ? ne serois-je pas
 A present que ce fougueux mars
 Qui trop empesché de la guerre
 Bouluerse, renuerse par terre
 Ne se plaist qu'à coucher à bas
 Tout ce qui ressent les appas
 D'où vient ce prouerbe ordinaire
 Que l'embarras vient de la guerre
 Que par tout ou va ce furieux
 Tout est desert & malheureux

Par

RBC/NCU

Par tout la ruine, le pillage
La mort, la faim & le rauage
Le suivent tousiours d'aussi près
Qu'un autre fidel Achatés
Que iamais ce grand porte-brette
Qui a la teste vn peu trop verte,
Ne passe villages ny bourgs,
Sans ny faire de vilains tours,
Charenton, saint Denis, Charonne,
Auteul, saint Cloud, Bois de Boulogne
Sont témoignages pour certain
Qu'il a l'esprit vn peu mutin:
Faisant d'estaller au plus viste
Mauvais habitans de leur giste:
Chasse du Cours, & de Challiot,
Mais on va courre le galop,
Aux lieux qui seruent d'asseurance,
Et de tres-fidele defence
Aux Soldats depuis peu leuez
Comme à nos braues Cauailliers;
Sçauoir est Vil-Iuif la plaine, J
Port à l'Anglois, Vitry sur Seine,
Bicestres, lieux circonuoisins,
Où ce cruel n'a mis les mains.
L'on y void là les ieunes Dames
Aussi mutines que gens-d'armes,
Ne voulant plus d'autres ésbats
Que celui qu'on prend aux combats;
Dames damées & Damoiselles
Passent à trauers les sentinelles
Voyent les fortifications,
Considerent les bastions,
Les fossez & les barricades,
Soudars armez, & corps de Gardes
Qui feroient peur aux plus fendans,
Et aux garçons les plus meschans,
A ces traistres Mazarinistes,
A ces races Cardinalistes;
S'ils n'estoient tout à fait vestus
D'une casaque de festus;
S'ils n'auoient épaisse cuirasse
A triple rang de cuir de yache,

Qu'ils ont volé parmy les champs
Aux miserables payfans.

C'est plaisir de voir la Noblesse
Ne tenir plus de sa mollesse
L'un a cheual tres bien monté,
Ayant le sabre à son costé
Pistolet d'arçon à la selle,
La carabine sous l'aisselle,
Les boutons d'or aux casaquins,
Et la canne dedans les mains.
Les autres à beau pied sans lance
S'en vont avec resjouissance
A nostre camp de Ville-Iuy
Passer le temps iusques à la nuit,
Ayant le bonnet, le pennache,
Entre les mains la grosse hache,
Ressemblans à des Polonois,
S'ils auoient l'arc & le carquois.

Mais passons promptement au reste
Au plus plaissant, au plus brulesque
Voyons-y les Dames au Chiffons,
Damoiselles du pont-torchons;
Iettons donc maintenant la veuë
Sur les vendeuses de moluë,
Aussi fieres que des dragons
Ayant les mains sur les rognons,
Jurant pestant contre les caques,
Qu'ils ne reprendront deuant Pasque
Si elles ne vont pourmener
A nostre camp pour prendre l'air,
Cent diables ie voulons en estre,
Allons à Ville-Iuif à Bicestre.
Pourquoy donc par vn si beau-temps
Vendre à Paris harangs puans
Ie preferons l'air du village
A celuy qu'on prend à la cage,
Ie veux dire dedans Paris
Où l'air y paroist tousiours gris,
Et dont on ne peut se repaistre
Que par le trou d'une fenestre:
Mais le drole est qu'on ne sort pas
Sans prendre à faire le repas.

L'une met dans sa hongrelaine
 Quelque vieil morceau de saline,
 A de la faim peur de mourir
 Auant que le soir reuenir;
 D'autres de ces Dames calines
 Ont soin de porter la Iacline,
 Disant qu'il ne faut oublier
 Du vin quand on veut cheminer,
 Le mary veut suivre sa femme
 Et iure aussi que par son ame
 Il y faut mener son beau fieux,
 Pour prendre vn peu l'air de ces lieux,
 Pour couper court, prend sa rouillasse,
 A son costé la callebasse,
 Et met son fils dessus son dos
 Comme vne charge de fagot.
 Meine sa troupe hors de la porte,
 Y rencontrer tres-belle escorte
 Et des fauxbourgs estans sortis
 Pensent encore estre dans Paris
 Telle est la quantité du monde
 Qui sur ces costez-là inonde,
 Il semble de sur chemin
 De ces processions de saint Ouyn,
 Dont toute la plaine couuerte
 Ne paroist plus de couleur verte
 A cause des confusions
 Qui s'en vont aux processions,
 Ce chemin semble la riuere
 Qui desborda il n'y a guere
 Dedans le faux-bourg S. Marceau
 Par vn tres-grand deluge d'eau,
 Qui ne pouuant plus dauantage
 Demeurer dans son lit, furnage
 Par dessus le bord trop estroit,
 Où tenir elle ne pouuoit
 Ce chemin de Vil-Iuif si large
 N'en peut aussi plus dauantage,
 Est contraint de se dilatter
 Et le monde plus loin ietter.
 En fin cette troupe nombreuse
 Si gaillarde, si vigoureuse,

Qui saute parmy ces chemins
 Ressemble assez bien aux Troyens,
 Qui déliurez de ce long siege
 (Qui leur tendit vn si beau piege)
 Qui apres le blocus leué
 Hors la ville alloient pourmené
 Aux lieux ou estoit la milice
 De ce madré vaillant Vlysse
 Vlysse qui depuis dix ans
 Les auoit esté malmenant
 Il n'est pas à peine l'espace
 de trois mois que l'on nous menace
 De nous enfermer à Paris
 A faire croquer les souris.
 Mais il est vray selon le dire
 Que libre chacun se desir
 eu'on souhaite pour fortement
 Sortir des lieux bouchez deuant ;
 D'où vient que nos dames des halles
 Et tous ceux de cette caballe
 Sont ravis d'auoir liberté
 D'aller ou l'on n'auroit esté
 N'estoit pour y faire vergongne
 A cette mazarine trongne
 A ce gros demon incarné,
 A ce monsieur palefrené
 qui parueni de l'escurie
 Aux honneurs de nostre patrie,
 qui n'ayant manié que le fouët
 Houffe, estrille, brosse, fiotoy
 Veut nous commander à baguette
 Ce n'est pas ainsi qu'on les tratite
 Mercy-bleu trancher nos morceaux
 Comme il souloit faire aux cheuaux,
 Ouy ie le dirois à sa Barbe
 Dit vne qui s'appelloit Barbe
 Malgré luy, & malgré ses dents
 Tallons dehors, i'allons dedans
 Malgré son nez sa belle mine
 Pauons du bled, de la farine
 Pour bien viure dedans Paris
 Sans manger de dix mois pain gris,

Mais se remettant en colere
 Viste tost bailliez luy à boire
 (Dit Ianin qu'estoit son mary)
 Teste aux oygnons elle a bien dit
 Et tousiours en faisant voyage
 Toutes ces dames de la cage
 Sont à qui mieux mieux en dira
 A qui mieux aussi chinquera
 A mesme leur pinte vidée
 Je vois leur route terminée
 Mais laissons les dans nostre camp
 Pour faire vn tour parmy les champs
 Car raconter certes ie n'ose
 Leur entretien qu'en pure prose
 Ce que pouuez facilement
 Vous mettre dans l'entendement
 Faut vrayment qu'il soit bien grotesque
 Surpassant mesme le Burlesque
 Tournons donc du costé des eaux
 Nous y verrons ponts de batteaux
 Qui depuis peu ouurent passage
 Aux gens de guerre & au bagage:
 Certes c'est vn contentement
 De voir le peuple y accourant
 La foule y est presque aussi grande
 Autant ou plus que cette bande
 Que ie laisse vers nostre camp
 Pour faire vn tour parmy les champs
 Mais vous ne croyez pas peut-estre
 Que ie peue en si peu y estre
 Il me semble qu'il n'y a pas
 Du camp à la feine trois pas
 Je vous responds qu'estant de bande
 Ennuyeux le chemin ne semble.
 Parlons donc du port à l'anglois
 Où i'apperçois force bourgeois
 Que cette machine de guerre
 A fait sortir de la tanniere
 Je les vois tous le verre plain
 Boire à leur tour à Mazarin
 Je les vois couchez sur l'herbette
 Faire ensemble la godinette

Fâchez seuls de ce qu'ils n'ont pas
 De ces parfumez ceruelats,
 Tout y paroist plein d'allegresse
 La seruante suit la maistresse
 Tout paroist gaillard & dispost
 Les femmes & filles font des sauts
 Les caualiers y font les drolles
 Les cheuaux font des caracolles ;
 Il n'est pas iusques au chien roquet
 Qui ne fasse le freluquet,
 Qui ne fasse postiqueries
 Saute , faisant des fingeries
 Tantost courant vn peu deuant,
 Apres son maistre demeurant,
 Tantost folastrant à la guiche ,
 Tantost fuyant comme vne biche ,
 De sorte que chiens & cheuaux
 Mulets , & autres animaux
 Desirent estre aussi de la feste
 L'vn hannit, clabaude, tempeste :
 Cela ioint aux grandes clameurs
 De nos iolis voyageurs
 Fait tel bruit par toute la plaine
 Qu'il s'entend au delà de seine
 Fait courir comme des chasseurs
 Quelques Mazarins de voleurs
 Qui cachez sur l'autre riuage
 Attendoient là quelque pillage
 Mais gagnent au pied quand faisons
 Ce grand bruit pareil aux canons
 Je vous ay fait cette remarque
 Vn peu deuant que ie m'embarque
 Et monte dedans le batteau
 Qui m'attend à present sur l'eau ;
 Car i'apperçois que la lumiere
 Ira bien-tost à la riuiere :
 Permettez moy de m'en aller
 Je preuois qu'il faut detaller
 Pour celles-là qui sont derriere
 Je crains bien-tost les estriuieres
 Et i'ay grand peur que le mary
 Ne se res sente de Vitry

11
Qu'au retour de la pourmenade
Il ne leur donne vne falade
Je crains tantost que tout de bon
L'on ne iouë de martin baston.

E I N

(11)

Il n'y a point de bon vin
Il n'y a point de bon vin
Il n'y a point de bon vin
Il n'y a point de bon vin

1111

